

海陽縣志卷四十六

雜錄

秦始皇帝使南海尉屠睢伐百粵以史祿轉餉鑿渠海陽山下通糧道併收灌田之利民稱靈渠

據張志修

漢高帝六年春封越將梅鋗徭母餘爲列侯鋗長沙人番君吳芮將帥越戶將胡害隊將徭母餘從破秦擊項羽鋗以功大最先封臺侯二千戶今梅州以鋗得名是其地也母餘封海陽侯千六百戶四傳國除潮中雜記曰漢徭母餘東越之族也以越隊將從高帝破秦入關定三秦以都尉擊項羽漢六年春三月庚子論功封海陽侯千七百戶九月卒諡齊信侯孝惠三年子昭襄立高后四

海陽縣志

卷四十六

雜錄

一

年卒諡哀侯五年子建立孝景三年卒諡康侯四年子省立中元六年省卒諡哀侯無後國除元康四年母餘元孫之子不更未央詔復家元壽二年八月詔賜母餘代后者賢爵關內侯海陽之名始於徭母餘蓋秦以來有此縣矣而兩漢地里志俱不書豈闕文耶索隱曰海陽南越縣地里志闕

同上

唐時桃山有白象自行抵州渡濠從西門入刺史表聞於朝詔取

至京今郡西濠一名象湖以此

同上

意溪

卽溢溪見梁夢劍修東廂隄記

一名鱷溪唐時有鱷魚四足黃身修尾似龍

無角似蛇有足巨口鋸齒運尾猶象之運鼻尾有二鉤極利遇人豕以尾捲而食之爲潮民害時昌黎刺潮以羊一豬一投溪水爲

文祝之是夕暴風震雷溪水盡涸魚徙去故曰鱷溪又以鱷潛水

中多傷人畜曰惡溪殷堯藩

唐御史

寄張明府

名元素唐初刺史

詩云春草

正萋萋知君道惡溪鷺將吉了語猿共果然曠別路魂將斷還家

夢幾迷定尋雷令劍應識越王笄樹色多於北潮聲少向西榴花

好為酒誰伴醉如泥又昌黎瀧吏詩略云下此三千里有州始名

潮惡溪瘴毒聚雷電常洶洶鱷魚大於船牙眼怖殺儂州南數十

里有海無天地颶風有時作掀簸眞差事據此則意溪之稱惡溪

視稱鱷溪尤先矣

據周志韓詩張志參修

唐李贊皇謫潮攜二玉象至鱷溪化入潭中時作光怪云潭卽郡

之西湖也

詳古蹟據張志修

### 海陽縣志

### 卷四十六

雜錄

一一

宋許漕使申少以文受知於陳公堯佐嘗從堯佐夜泊聞岸上飛

騎至大呼丞相漕使會宿於此後堯佐大拜申果為漕使

據周志修

郡境有地曰萬江邨曰硫黃

今隸豐順

宋大中祥符間張氏子年甫十

六與其母濯於江涘倏為鱷魚尾去其母號弗能救泊中流則噬

之無餘時陳公堯佐判潮聞而傷之命二吏拏小舟操巨網捕而

戮之作捕鱷辭曰水之怪則曰惡兮魚之悍則曰鱷兮二者之異

不可度兮張氏之子年方弱兮尾而食之胡為虐兮瑩瑩母氏俾

何託兮予實命吏顏斯作兮害而弗去道將索兮夙夜思之哀民

瘼兮赳赳二吏行斯恪兮矯矯巨尾迎而搏兮獲而獻之觀者樂

兮鳴鼓召眾舂而斲兮而今而後津其廓兮自是潮無鱷患

同上

蘇東坡作酒子賦其序云南方釀酒未大熟取其膏液謂之酒子率得十一既熟則反之醅中而潮人王介石泉人許珏以是餉予因作此賦又東坡與鄧安道書云寶積行無以爲寄潮州酒一瓶建茶少許不罪浼瀆又跋東皋子傳云紹聖二年正月十六日方讀東皋子傳而梅州送酒者適至獨嘗一杯徑醉遂書此紙以寄譚使君東坡不能飲而喜人飲酒當以潮州酒爲佳耶郭青螺曰潮州溪酒亦有佳者特不能遠攜數日味變

據張志修

蘇東坡與吳子野論韓文公廟碑書略云潮州自文公未到則已有文行之士如趙德者蓋風俗之美久矣先伯父與陳文惠公相知公在政府未嘗一日忘潮也云潮人雖小民亦知禮義信如子

## 海陽縣志

### 卷四十六

雜錄

三

野言碑中已具論矣然謂瓦屋始於文公者則恐不然嘗見文惠公與伯父書云嶺外瓦屋始於宋廣平自爾延及支郡而潮尤盛魚鱗鳥翼信如張燕公之言也以文惠書考之則文公前已有瓦

屋矣

同上

宋胡穎爲廣東經略安撫使潮州僧寺有大蛇前後仕潮者皆信奉之前守去州人疑以爲未嘗詣也已而旱咸咎守不敬蛇後守不得已詣焉蛇蜿蜒出守大驚暴卒穎至廣州聞其事檄潮州令僧舁蛇至至則其大如柱而黑色載以闌檻穎令之曰爾有神靈當三日見變怪過三日則汝無神矣及期蠢然猶眾蛇遂殺之毀

其寺并罪僧

同上

東山有韓木宋王尚書大寶爲贊并序云東山亭爲韓文公游覽之地亭隅一木鱗文虬榦葉長而有稜相傳公所植也人無識其名者因曰韓木舊株老而更蕃遇春則華或紅或白簇簇附枝如桃狀而小每值士試春官邦人以卜登第之祥其來舊矣紹聖四年丁丑開盛傾城賞之未幾捷報三人比前數爲多繼是榜不乏人繁稀如之最盛者崇甯五年宣和六年也今不花十有五載人材未遇或時運適然未可知爾夫鳥獸草木之奇符於前事謂之瑞籥韶儀鳳周畝嘉禾各以類應公刺是邦崇師訓業綿綿厥後三百餘年士風日盛效祥於木理所宜然若乃術業荒落惟瑞之證此妄誕者之說君子鄙之爲之贊曰召公之棠孔明之柏旣詠

海陽縣志

卷四十六

雜錄

四

勿翦且歌愛惜瞻彼韓木是封是沃匪木之瀆德化惟服化隆而孚華繁以符邦人勵之此理匪誣

據周志修

宋紹興閒莆陽邱公君與

卽邱氏遷潮始祖

官梅州刺使時趙公鼎謫潮

邑人王公大寶劉公昉適家居刺使由梅州乞養歸隱諸公各贈以詩王云北山有移文抽簪不如君庭蘭潔晨膳巖桂流夕芬道義齊嵩嶽功名薄浮雲林閒多鸞鶴忘機可以羣劉云君家舊莆陽到處卽仙鄉梅鎮旌旗返琴峯花草香菽水味何旨椿萱壽益長挂冠不妨早名德重韓江刺使訪莆陽舊宅諸公又各贈以詩趙云昔去莆中道官閒促舊游藏書尋石室埽墓慨清流佳序青陽節先人綠野疇風光定如故但益感時憂王云此去莆陽道春

風三月時故廬花拂戶先墓蘚留碑親戚樂情話江山生古思潮  
中倚閭望返旆莫教遲

據邱氏族譜修

謹案趙忠簡爲宋一代名相王劉二公一官尚書一官安撫  
使勳名道德俱彪炳人寰文字特其末耳然三公當日著作  
散佚無存得此於故家族譜中雖吉光片羽亦足寶貴云

元至正二十五年三月有總角老人杖履至城南門欲入守者卻  
之老人曰如信我能捍爾一城之患不然大難將及隨回見一婦  
人汲水登岸求飲婦人嗔詈不與老人以杖扣桶水立涸守門者  
白於官遣人執之未至老人以杖投水蹈杖浮去是年寇陷城

據張

志修

## 海陽縣志

### 卷四十六

雜錄

五

李圃字崇學原名李甫洪武中以貢授通州訓導中順天式復以  
會試乙榜除寶應訓導陞東安教諭又補江華教諭署縣篆因進  
表箋成祖覽其名曰李應在圃乃援筆添作圃字云今題名曰用

朱

同上

城東南有石盒牆間作一龍一虎土人云明初廣築潮城時至此  
屢圯或謂隔江虎山崇壞也因作此石壓之爰命其地爲龍虎相

鎖

據韓江聞見錄修

永樂五年冬十一月畚蠻

畚俗作輦

雷文用等來朝初潮州府有稱畚

長者卽猺類也衛卒謝輔嘗言海陽縣鳳凰山諸處畚遁入山谷  
中不供徭賦乞與耆老陳晚往招之於是畚長雷文用等凡百四

十九戶俱願復業至是輔率文用等來朝命各賜鈔三十錠綵幣表裏細絹衣一襲賜輔晚亦如之 又明設土官以治之銜曰峯官所領又有峯峯嘗作畜實錄謂之畜蠻

據張志修

潮州有山峯其種二曰平鬚曰崎鬚其姓有三曰盤曰藍曰雷皆獠族號白衣山子依山而居採獵而食不冠不履三姓自爲婚姻病歿則並焚其室廬而徙居焉籍隸縣官歲納皮張而已其曰斗

老與盤藍雷三大姓者頗桀驚難馴

據郡國利病書修

御史謝孚統兵至潮州宿公署中每夕鐫其戶無風自開孚不之怪也一日晨興門者不請鑰孚詰之具以實告孚凝思久疑爲梁巡道之神是夜復聞擊鎖聲孚呼梁巡道而祝之曰某奉命至此

## 海陽縣志

### 卷四十六

雜錄

### 六

大用當陰相助靖此一方母相恐也聲遂息明日具牲醴卽書院祀之後奏捷多預報云巡道名觀與孚皆當塗人巡道泣潮一載有神明之號潮人士思之祀於韓山書院

據張志修

明陳白沙嘗作三利溪記後因有客自潮來謁云皆沙坦白沙悔所作題句云欲寫生平不可心孤鐙挑盡幾沈吟文章信史知誰是且博當時潤筆金三利溪之爲利非生長是邦不能深知也蓋郡西小河西流會揭潮入海鹹潮數至得此溪解之三邑田疇利賴焉白沙原文固當詩乃誤聽人言也傳聞之言難洞悉民隱也

如此

據韓江聞見錄修

西湖山有怪石二一大十數圍高數丈一僅及其半屹立湖濱形

狀酷類蟾蜍俗因名蟾蜍石時常作怪宣德閒王源奉敕守

百夫撲碎琢爲廣濟橋用怪遂息源乃爲記而勒諸石

詳金石略  
據周志

修

成化閒同知車份修府志盛端明時爲諸生與纂輯之役一夕夢

武人狀貌甚偉大書案上曰我郡人鍾元濬也七人同起義兵送

文丞相之和平橋皆死亂兵中子修志曷爲我志之端明又問六

人姓氏復據案書之而去端明凌晨入告份曰夢寐閒雖未可遽

信而忠憤之氣死而不沒求以自表亦理所必然也

據張志修

吳大理上莆人宏治時爲御史以事與壽甯侯辯因毆之折齒被

逮明孝宗親於午門詰之有懿旨卽令笞殺之賴孝宗仁聖得全

## 海陽縣志

### 卷四十六

雜錄

七

然亦以是得驚悸疾後在南贛疾如昨每有聲輒驚不能止一日  
視事倦瞑目憑案而睡侍吏忽報曰文書一紙自天而降吳大理  
名一貫者開目取視曰明年某月日陞一貫爲北京都城隍公怪  
之卽以書抵臺閣諸公言其狀至期無病咸怪其言不驗時姚源  
寇竊發起兵捕之軍帥率以入辭公方瞑目坐堂上覺而見之以  
爲盜且至卽驚死矣人以爲破膽理或然也然城隍之說卒如其  
期良可異哉第一貫當正德閒華林賊勢猖獗一貫督兵勦捕嚴  
號令信賞罰士卒奮勇俘斬甚多因建議築城賊至則督兵以戰  
賊退則督民以築至於忘寢食二縣德之俱立祠祀焉

同上

盛榮簡父鳳儀教諭安溪掘得端明殿學士希道石碣而榮簡後

歷任詞翰位列侍從

同上

陸竹溪者潮高士也有明人隱於潮之東郊時郭公子章守潮

宏治

間郡守係葉元玉本傳已訂正

望東郊常有紫氣曰此間有異人在詢之眾莫知

所應一日出署道之城東遇一醉客從者叱之不避又叱曰貴人上官至矣爾醉漢何不避爲曰我醉由我醉爾貴由爾貴水急難流灘底月山高不礙白雲飛郭公聞之驚曰吾求異人久矣君其是耶遂下輿揖之傾蓋相與語爲忘分交次日郭訪陸備車馬至不見後攜一從者肩輿往見之然晤面殊少有十扣柴扉九不開之詠一日至陸家其妻應門陸年長於郭以嫂稱之屆午餐便飯待陸至問妻何以待公妻曰茄荳耳陸曰有茄何須荳他日至與

### 海陽縣志

### 卷四十六

雜錄

八

陸遇僅以一茄款之從者疑郭曰非個中人安知此味耶陸送郭至門止敬貌不少舒從者又於道上問郭曰陸君何以不遠送曰彼心送吾矣旁人廉之見郭至東門陸聞發礮聲始改容退陸卒不輕踵郭門陸高隱有德不以才藝擅然書法瘦勁通神人爭寶之郡中省郎岳伯二坊其遺蹟也

據韓江聞見錄修

黃良豐者邑前明孝子也崇祀鄉賢墓葬洗馬橋南傳孝子當日值鄰家火災延及其舍而孝子父棺未殯孝子時在外衝煙燄直奔入號哭棺側以身殉其舍火自滅忽跳焚別屋四鄰灰燼獨孝子家無恙然孝子哀毀尋以沒鄉人哀之題其墓碣云明孝子黃良豐之墓邑乘則載其倭寇至孝子鄉孝子抱其母柩號哭寇感

之不入其門此傳聞異詞或兼有二事未可知也然則孝子沒在  
葬母後故又傳夕廬父墓日用勞養母都人士重之督學旌其門  
乾隆間有福建人病且死見冥官若王者爲平反其獄斷回陽其  
人泣謝王者曰無謝爲予生前乃潮郡海陽孝子黃良豐也爾他  
日得過我里可爲予里人言之後其人販貨來潮過洗馬橋偶息  
道旁見有古墓豐碑剔蘚觀之則孝子墓因話於眾豚酒祀之金  
書其碣字

同上

林大欽年二十二及第先是禮部尚書夏言知貢舉上言舉子經  
義論策各有程式邇來文體詭異舊格屢更請令今歲舉子凡刻  
意騁詞浮誕磔裂以壞文體者擯不取士從之會試既畢夏公復

## 海陽縣志

### 卷四十六

雜錄

九

召予語曰

此記出田汝成予即汝成自稱

進士答策亦有成式可諭諸生母立異

也予曰唯因諸舉子領卷傳示如前諸舉子皆曰唯既廷試諸達  
官分卷閱之時內閣定二卷都御史汪公鉉得一卷大詫曰怪哉  
安有答策無冒語者太學士張公孚敬取閱一過曰是雖破格然  
文字明快可備御覽遂附前二卷封進上覽之擢無策冒者第一  
啓之乃林大欽也夏公大駭謂予何不傳諭前語予無以自解乃  
就大欽詢之對曰某實不聞此言聞之安敢違也予乃檢散卷簿  
則大欽是日不至次日乃領之因歎榮進有數非人之所能沮也  
已而授翰林修撰以病告歸未久卒

據張志田汝成記修

中離溪原無溪也倡濬之者自薛中離始嘉靖己丑中離濬溪自

爲識有地應異物之語蓋當日濬河得殘碑於土曰水繞牛屎塔  
碑出狀元來不數年東莆林敬夫登壬辰第一人而蔡劉二侍御  
亦相繼興起當中離作記時猶未及之然秀氣宣洩人材輩出已  
有明示其機者矣

據林忠宣  
文集修

城南有鬼自稱爲獨日暮能言言人禍福頗驗依楊氏家能飲食  
投之飯則食投之酒則飲夜現形淫人婢間持金帛賂其主人無  
計遣去凡三年適郭公子章知潮州府將入覲舟次三河有僚友  
達書以告子章艷然爲文牒告府城隍神略曰知府與神分理陰  
陽凡民淫者盜者有司貪墨者不卽驅除知府罪也今獨鬼淫人  
子女竊人金帛潛依城南豈神能爲民禦大災捍大患謂此區區

### 海陽縣志

### 卷四十六

雜錄

十

者無足與計耶抑鬼挾多金賂神左右不以聞耶今有聞不敢不  
告神其召而誅之母襍揉我土以損神威以亂政教及入覲還翼  
日潔牲醴祀城隍畢進祝史問獨鬼狀祝史曰奉公檄被除告神  
之明日獨鬼語所私曰郭使君自三河牒告城隍縛我我當亟去  
自是城南之獨鬼絕子章感神之靈因鐫其文於廟而自爲跋

據周

志修

湖北閣眞武像有明萬厯年間鑄其時幾易鑄僧夢神語曰明日  
午時有捐金入鑄者可成矣時至一女人來繳鑄叩所有云有渡  
錢一文聞鑄神像乃繞道由橋來投焉果成錢浮腰帶間

據韓江  
聞見錄

修

雙虎棒奇男子者韓江人生鼎革時有偉略少嘗寄跡叢山古寺中寺僧善棒夜課其徒其在旁覽之已盡得其法比曉僧下山其徒自習棒其人笑曰何餌金糞鐵也徒怒呼與角爲應手斃其人自分殺人應死自縛寺中守僧回僧至驚駭人自白其故僧曰子果知棒法乎爲釋縛試之歎曰法吾法也然神而化矣可萬人敵徒死命耳吾以誤恕爾爾仍留此可典園圃之事又一夕手棒出爲寺僧巡稼穡遇虎斃之又一虎至亦斃之棒挑以歸僧大驚曰吾初奇子貌故寓子旣奇子技故恕子今夕一棒斃雙虎雖人力不無神助矣方今滄桑變易海宇紛紛子何不應 聖人之出佐平六合奏澄清偉績乎閩廣西江之界所稱豪雄者多吾故友

海陽縣志

卷四十六

雜錄

十一

吾爲方外人不欲復知世事然吾噓彼以附子易易也速圖之速圖之於是嶺南山寨聞雙虎棒事悉雷貫其耳大軍之平嶺南也奇男子走軍門領前鋒得寵任武而能謀責兼闔內外諸寨酋長聞風披靡曰雙虎棒奇男子出扶鳳翼攀龍鱗矣吾曹何格格爲而東南諸郡悉平聞諸 朝特授總戎築將軍壘將軍數子皆貴顯有一子不事榮祿好清靜以奉佛終曰小子上報傳棒金仙也

同上

謹案聞見錄載奇男子事未詳姓名攷 國初特授總戎築將軍壘惟吳六奇一人奇男子或卽是歟

邑人陳園公大令衍虞於順治康熙間迭經寇亂感時憂事一發

於詩有寨破後入平溪五古二首

癸巳六月土匪寇鄭元邱變魯破筆山寨焚劫殆盡幾不免虎口

云千迴陟一峯百迴轉一谷山翠連溪藍陽曦蔽繁木忙殺避寇

人泥途多痛哭伊余有山緣移家就深竹一兩載罷戈鋌底事兵

端起攜提避征騎望山紛投止吾居簇千巒日住荒煙裏飢寒兒

女悲呼號動隣里知余遭寇來山翁歎未已

潮鎮郝尚久之變予避寇鄉人又避兵適

相值也

又有潮變卽事七絕七首云僕姑聲疾劍飛華坐擁貔貅鬧

鼓笳欲借金戈收霸業遑憐山鬼哭無家一竹帛煌煌委劫灰荒

原涕泗望雲臺破巢莫怨秋鷹疾萬里飛頭食肉來

鎮潮續順公爲劉逆所併

逐之出境

二程鄭家家苦竭脂黔婁自合免羅罹回翁何日施仙指點

作黃金助度支

時勒富人助餉

三提封一日等傾軔髡郭剽骸事未休縱

### 海陽縣志

### 卷四十六

雜錄

### 十一

是鐘鏞酬上將不知何日見哀邱

掘湖山墓數千穴髑體堆如山崖

四別無葑屋

擁周遭歸燕喃喃愴舊巢南陵使者兵略貴郊原蕩蕩礮聲高外郊

居民焚析殆盡

五旌節伊誰導倒行侍人無復李新聲自甘血肉膏鋒刃

不道溝渟白骨橫

六

微茫溟澥嶺霞青將化沙蟲早兆形股是春

蠶那許折有人鶴立哭秦庭

王師圍急降於閩海七據蓮山詩集修

邊海多寇患擾及內地順治十八年奉

旨遷界康熙元年少宰科爾坤少司馬介推同平南王尚可喜將

軍王國光沈永忠提督楊遇明等巡勘海潮揭饒惠澄六縣海濱

築小隄爲界令居民遷入內地越界者死康熙三年又冢宰伊里

布少司馬碩圖偕藩院將軍提督等再巡勘海陽遷去龍溪上莆

南桂三都東莆秋溪江東水南四都之半爾時與遷之民流離瑣尾少者轉徙他邦老者死填溝壑甚而摻摻女手執鉢街衢青青子衿混迹傭豎一二壯悍者白日袖刃奪食康熙七年撫院王來任繪流民圖上疏蒙

恩依議復界督院周有德合力奉行而哀鴻始集云

據張志修

郡城東濱韓江每遇江漲水輒從城門湧入泛濫城中康熙五年丙午王將軍光國令上水下水竹木廣濟四門左右各豎石柱鑿槽安版水大則下版以堵塞自是水不入城今各門有水版自王

將軍始

據周志修

康熙庚戌孝廉梁猶龍計偕行德州道上夜夢傳呼王旨召星君

海陽縣志

卷四十六

雜錄

十二

四人導行峯迴路轉宮闕巍然其傍曰留智廟珠檻玉陛夾陛仗衛不似人間威儀也四人者入止猶龍待命食頃乃出云王旨敬勞星君眞靈不昧一生正大光明多行好事端的不負科名猶龍遜謝稽首某寒士力不副心何好事之能爲四人相顧指點有若語此間是星君坐次者有若語星君姑了科名事業者陡覺汗淋淋浹背急披衣冠循夢中途徑尋之果得所爲留智廟者微茫星月之下策蹇者已追及與恩恩俱去旣魁南宮第十人悟身前事歸爲家人述之無何赴玉樓戊辰同懷弟夢劍上春官試道出德州詣廟瞻拜訪廟始自前朝展敬岱宗中使以神光示現特請敕建後重新甫落前楹中尊冠披如帝后意卽東嶽所奉碧霄元君

者旁列散聖第一位丰采鬚眉宛活猶龍也爰題壁云崔巍廟宇  
夕陽中路絕天人忽此通十八星霜姜被冷七千關塞鶴魂空羨  
兄朝闕雲霄樂愧我造家鼠雀攻君父深恩俱未報可能安坐玉  
清宮題畢覺其神顏赭若汗云

據張志修

康熙年間湖山有巨石忽一夕風雨崩其半內一半如壁有句云  
有客重來山柏翠何人不愛洞壺清若新鐫者 又桑浦玉簡峯  
頂有巨有截然中分嶮窄不能通人跡中有玉簡洞天四大字每  
年逢夏至前後三日午刻日影斜入始窺見

據張志參  
採訪冊修

廣濟橋畔舊有大碣鐫洪水止此四字傳爲韓湘筆故從前少水  
患康熙年間郡守張自謙建榷館其上爲董工役所仆已連年水

## 海陽縣志

### 卷四十六

雜錄

#### 十四

災撼城折橋當事覺之徧求不得蓋已爲役盜鬻石工琢滅矣

據張

志修

康熙三十三年甲戌自春徂夏淫雨五月韓江水湧數十丈郡城  
內舟楫可通女牆不沒者數版百餘年僅一再見邑人陳王猷爲  
作大水行云百五十日天冥冥密雲催雨西北行朱鼈出游黑蜩  
走黃鞮青驄聲砰訇一雨一水知幾尺民間太息占庚晴南海翻  
潮忽倒浸洪濤滾滾爭高城城中七門三門閉四門陸沈雙漿撐  
街市游鱗趁洶湧屋下無地身拘獮老人攢眉慘顏色小兒拍手  
探苓簪食米如珠舌齧破燒薪似蠟脂膏凝更聞北隄岌就決西  
關婦子奔倒縋郡內大姓走樓上米鹽薪水釜甑并小屋居人毀

宋構麻縷束縛紛飄萍大官顛賴小官苦囊塞石砌勞經營百姓  
倉皇力不足役及太平無事兵觀察總戎並徒步身當匏子非沽  
名我亦赤腳出東望水勢乃與山椒平老樹拔根沒浩蕩流屍覆  
草隨鯢鯨桑梓東陲數十里塘防潰決山田崩變化青蛾穀化蠱  
青金食盡芽無萌海外樓船乘危入人命朝露心膽驚似隔蓬萊  
困一水音問斷絕憂忡怛九州水府十八處韓江蕞爾下流傾去  
歲薄收忍窮餓菜色未痊災疊經古者旱潦史必書閭閻寥邈浮  
雲橫安得蘆灰止漉瀆鞭策羲馭光晶熒

據張志修

康熙庚辰冬馬王廟鐘自鳴越明年大水東北隄俱潰考前漢紀  
武帝時鐘自鳴東方朔曰金者土之子母動則子應一日蜀山崩

## 海陽縣志

### 卷四十六

雜錄

### 十五

事有其機準之以理古今洵不爽云

同上

北隄之潰康熙戊戌患最劇西關廛舍一空陳王猷決隄歎云城  
西門外浪打天城西門內街泊船巷陌沈埋閟陰壑堂廡汨沒生  
寒煙十里人家城上宿女牆堵版立鳩鵲驚魂已禡蛟螭餘殘喘  
何堪風雨惡長江駭浪況未休東匯橋水欲倒流北來西折恣驕  
悍斷崖噴薄天吳愁匏子隄成足不朽古人身往名猶留眼前羣  
公束無策百姓憑依那得力淇園伐竹紛千竿白璧填淵漫一擲  
坐觀人命爲水嬉誰信民溺由已溺平陸蒼茫湖海中卽今太息  
秋禾空噫嘻三犀不經濟得母天災非人事

據蓬亭詩集  
周志參修

江南謝瑛康熙癸丑武甲榜第三人有同年患疾遇道者引至一

山授以丹服之愈時瑛與偕往問道者姓名曰我湖山洞主也後當驗再尋迷路戊戌來鎮潮游湖山仙關佛閣宛所經行憶湖山洞主之語不勝嗟異乃重修仙洞頂砌巨石築小塔一日忽有持小盒授闔者曰故人致法主啓視之乃一軸畫一道人坐蓮花合瓣中默然閉目右手托塔塔中書一寬字上題云心猿鎖贊云煩惱海中現百千手眼無明火裏不惜眉毛卻從耳門出入聞我名者如飲甘露普眼不見普賢祇因一身裏出門難看嚴於擊竹聲中捉敗此老乃呵呵歸去幾乎爲爾一生瞞其末又書云己亥冬十月朔一日殘道者合掌贊并書於幽棲山中旋瑛以己亥十月朔日卒於官繼鎮者爲鄭繼寬

同上

## 海陽縣志

### 卷四十六

雜錄

### 十六

潮陽祀張巡許遠二公事由軍校鍾英已詳郡乘康熙戊戌北隄潰謀諸神工竣卽地立廟祀之北隄斯有雙忠廟云雍正丁未巡道樓儼有重修廣濟橋鳳凰臺之役奉神牌於韓江樓有羣兒浴江之龍湫塔下得一瓦輓與東山廟銅輓似非近代物迺迎神祀於郡卽瀛洲書院舊址以立廟水旱疾病民皆請輓而卜之

同上

解元謝學聖原籍揭陽其祖嘗修建祠堂發土得石刻小子曳一耕牛手刀加角上識者曰此圖識也迨康熙庚子科謝學聖發解始知耕牛小子庚子也刀加牛角解字牛一元也合應庚子解元

因名此石爲解元石今在祠中

據韓江聞見錄修

廣濟橋東西有銑牛二鑄自雍正二年取丑艮土止水之義嘗聞

金入水逆游銚牛昔沈於江湖數仞得之

同上

謹案橋東岸銚牛自道光二十二年大水決橋墩失去徧尋不見今銚牛惟西岸有之

韓山韓公祠東壁有鸚鵡碑相傳雍正閒西蜀龍公雨蒼守潮得公手書王右丞白鸚鵡賦於羊城舊家購歸勒石置韓祠東壁體兼行草大二寸餘飛動適逸論書家謂爲米襄陽所自祖

同上

賀瞻度云蛇神其像冠冕南面尊曰游天大帝龕中皆蛇也人欲見之廟祝必致辭而後出盤旋鼎碧間或倒垂枋椽上或以竹竿承之蜿蜒虯結不怖人亦不怖於人長三尺許蒼翠可愛聞此神自梧州來長年三老尤敬之凡事神者常游憩其家甚有問神借

### 海陽縣志

### 卷四十六

雜錄

### 十七

貸者昔同年蕭御史長源爲予言今親見之矣

據張志修

謹案邑三界廟安濟廟俱有蛇神而安濟廟尤靈異稱曰青龍王以其色青頭有王字也然出沒難測咸同以前廟中屢見自光緒來數歲或僅一見相傳潮人帶其香火出征遇青蛇至必奏捷班師故潮人皆神之

土弁余仁園沼中有物如龜大而生兩翼紫花徧體漁人所獻者魏觀察劉總戎命役放之海中以兩翼掬水一躍數丈復回顧如叩首狀而沒未暮余敗賀瞻度云

同上

東廂周文妻素無禮於姑一日夫食魚留半周忘藏之爲猫所盡懼爲失譴遂誣姑盜食姑跪雨中號天雷與誓周方禳女爨雷忽

自廚起震之竈陞移其女別室復呱呱泣

同上

城東雙旌山有橡木乾隆甲子花稠是科科甲特盛今存古蹟有故幹盈尺作漆光色爲大埔李明經詩捷所取略作立體奉爲韓

公像

據韓江聞見錄修

距城南十餘里有田頭鄉侍讀劉起振故里也鄉有

敕書樓樓上有匾鐫

宸翰五言詩一章并敘云翰林侍讀劉起振年百有三歲自粵東來浙迎 駕詩以賜之台背聳隆肩來瞻蹕輅邊成名後梁灝得壽擬彭篋人瑞今猶昔經傳後繼前越都無慮遠應是地行仙

乾隆辛未上巳日 御筆攷起振乾隆元年丙辰登第入詞林年

海陽縣志

卷四十六

雜錄

十八

八十八至乾隆十六年辛未年百有三歲精神矍鑠時

翠華南幸由潮赴浙迎

駕欽加侍讀銜并

賜御製詩一首歸建

敕書樓於鄉奉

御賜詩匾其上以識榮寵今匾猶存而樓則漸傾圮

據采訪冊修

風雨聖者揭陽桃山人年十三由樟木上飛昇里人得其尸解一

巨足趾取樟木安之刻爲聖者像披髮負笠祀之凡旱禱皆立應

今像在邑斗文鄉乾隆丙午潮大旱時制軍孫士毅爲平臺灣在

潮親迎使者像禱之雨立至且默禱戎事有應乃別刻一像祀於

羊城三元宮又刻一像奉歸其鄉

據韓江聞見錄修

廣東潮州府東門外每行人過聞喚救命聲察之四面無人聲從地下出疑是死人更活持鋤掘之下土三尺許有石獅子被蟒圍其頸眾大駭即擊殺蟒而扛石獅於廟中土人有所祈禱靈驗異常或不敬信登時降禍自此香火大盛太守方公聞之以為妖異將毀其廟民眾曉曉幾激成變太守不得已詭言迎石獅入城將別為立廟眾方應允昇至演武廳鎚碎石獅投之河中了無他異太守方公名應元湖南巴陵人

據新齊諧修

丁君巢雲松家城之東隄傳東隄者古城東之隄岸也今以城作

岸則東隄乃城內地乾隆丙午丁未間

係乾隆五十一二等年

潮大旱井皆

### 海陽縣志

### 卷四十六

雜錄

### 十九

涸巢雲家命工人修井多浚深數尺見白沙又數尺見黑土又數尺見土中橫一大海船桅并繩索等物削出灰黯尚存質然泉立

湧矣

據韓江聞見錄修

邑民黃日明卜居郡西南環堵蕭然嘗一夜風雨大作明與妻丁氏就寢至三更雷忽自臥牀下起轟然良久始從後面灰牆穿出一聲霹靂燒去屋後龍眼桑樹兩株各一半時明媳謝氏紡績未眠以翁姑遭雷阨為慮推戶視之見餘火一點微明尚盤旋臥牀下倏忽消滅而明夫婦無恙晨驗雷發處僅一孔大若酒杯以竹探之深數尺許此嘉慶十年七月初七夜事後明與妻俱登上壽

據採訪冊修

他處築牆用石灰潮濱海皆用蛸灰蛸出海堦中不可測其出必  
毫光嘉慶庚午辛未閒築韓山書院春閒適少海蛸人傳鱷溪上  
數里有許氏田出蛸可用市之果爾云田出蛸時亦有光初不知  
爲何寶乃掘土得蛸也夫此田在潮城之上且十里矣他處無蛸  
而此獨有豈所謂不測者耶然聞田上之山實號海角山是此山  
明明在海之角出蛸不足怪惟是今古滄桑水土變幻仍在不測  
之目 據韓江聞  
見錄修

嘉慶庚辰六七月閒各處有瘟疫傳染之症先是二三月時有老  
人貼藥方於街路牌坊閒謂可治疫大約用貫眾蒼朮大黃等物  
其近海濱一帶最劇其症之初起云自暹羅海船來據此則先幾  
海陽縣志 雜錄  
卷四十六 二十一  
之言多不可忽 同上

道光六年丙戌庵埠寨忽來一老人左手攜餅右手持燈踽踽然  
行街上屢言腹饑市人駭之問其故老人曰餅易食燈難過語畢  
復言腹饑久之不知所適越明年丁亥庵埠火延燒廛屋殆盡始  
知老人以隱語示其機惜無先覺之者 據採訪  
冊修

道光十三年癸巳八月修海陽縣學宮於大成門拆片瓦背鐫一  
馬披韉一奚官牽以走上有林達沖三字質堅篆古甚可珍玩查  
國朝我邑科目游公定海陳公雄思均以丙午領解逢午科鄉榜  
亦盛支午屬馬其前人篆瓦吉祝之義歟 據刻燭吟  
館小序修

南門樓之右傍城有古榕成行計七株蔭鬱蔥蘢陰連數畝土人

名其地爲七叢榕咸豐四年甲寅四月中旬有一樹無風忽折向外一株五月下澣又折向內一株未幾土匪吳忠恕等作亂郡城

幾陷

據林大川  
韓江記修

隆津都龍湖市北門隄上有石坊二相距不數武一鐫旌表節孝一鐫節孝嗣徽係乾隆間爲成莊氏成陳氏姑媳建同治十年六月大水決坊之上畔隄十餘丈及坊而止復越坊數十步決下畔隄至百餘丈時洪流橫溢駭浪斜飛有搖岳撼山無堅不摧之勢二坊乃屹然並峙隄雖一再決而卒無虞見者歎異謂天之表揚奇節有昭然共見者聞登雲都道光二十三年七月漬孝子墳前其事亦與此同

據採訪  
冊修

海陽縣志

卷四十六

雜錄

二十一

郡開元街有永春號醬園

潮人賣小菜者  
皆匾曰醬園

一日主人因園中舊菜

桶滲漏命園丁五人修之菜桶高一丈有奇梯乃可上園丁五人以次接踵上梯俯視桶中煙氣上騰輒昏昏跌入一時層累積沓爭以身赴若有推之使前者主人驚愕亟以斧破桶見園丁皆昏倒桶內其先入者不可救此咸豐辛酉八月八日事相傳嘉慶間北關外灰廁亦有是事

據林大川  
韓江記修

桑浦山西南凡大風雨將作輒有聲嗚嗚然與輪船火筒噴煙相似而莫識爲何物然其韻甚長雖二三十里皆聞之同治十三年五月狂風大作有白雲從山出冉冉斜飛所過村落廬舍多損壞有於雲中見其露四足似龜狀者或曰山昔有物蜿蜒田間凡所

經過迹大皆如桶此物之鳴非龜卽蛇云

據採訪  
冊修

隆津都鶴巢鄉有廟祀宋陳公堯佐每元夕鄉人聚廟放煙火以娛神當煙火盛放時廟前輒有光如電激爛燦璀璨跳躍而來望之高下大小若散綺霞名曰神火各鄉士女來觀常千百人神火恍惚在數百步外及前往觀又復如是逾時始滅將滅時火之高下大小又團聚爲一鄉人謂神火來則世運亨隆今不來已逾二

紀  
同上

望雲庵在郡西北隅俗名王姑庵明季周王崇政郡主出家處也當神州陸沈王倉皇以郡主付黃紉庵尚書閒關來潮聞燕京殘破遂祝髮爲尼尚書乃建庵居之光緒丁丑夏桂林倪耘劬司馬

海陽縣志

卷四十六

雜錄

一一二一

宦游來潮偶經其地睹遺像題四絕云故國河山化劫塵出宮不改女兒身可憐玉葉銀潢裔來作長齋侍佛人金山山畔築精廬日誦楞嚴閉戶居豈料蒲團成結局白頭愁煞老尚書絕代娥眉寄梵宮神京萬里路難通等閒定灑思親淚染得袈裟似血紅休論成佛與登仙小像流傳二百年淒絕望雲庵畔路焚香誰禮女

嬋娟

據林大川  
韓江記修

謹案王姑庵前明名大士閣自黃紉庵尚書挈郡主來潮居此遂稱王姑庵至望雲庵乃嘉慶時楊捷中書所建別爲一庵詩以王姑庵爲望雲庵誤因附訂於此

郡府前英聚巷光緒十三年改建扶輪堂於堂之中座挖起舊土

至丈餘白骨纍纍脛甚長人馬皆莫辨命工人拾之凡十餘筐又得銅印三細認篆文一刻右提督澄海鎮後營關防一刻右提督澄海鎮驍翊營關防一刻右提督澄海鎮領旗關防其印右有永曆三十二年二月日等字印左有天字若干號大使許壽造等字印背之首又有禮部二字三印俱藏邑人袁鎮家

據採訪冊修

謹案周志載康熙十三年甲寅劉進忠叛尚之孝進剿時臺灣鄭經寇漳泉閩粵路梗進忠求援耿精忠不得用希震計納款於經經授進忠伯爵改用永曆年號攷故明甲申變後桂王由榔於順治三年由肇慶府行宮改元永曆自順治乙酉計至甲寅共三十一年進忠踞潮三年三印或爲踰年乙

### 海陽縣志

### 卷四十六

雜錄

一十二

#### 卯所鑄歟

鳳凰山有峯曰烏嶺產鳥喙榛其香能清肺膈又有龍須草可織席絕頂不生樹草悉柔潤蓋罡風沆瀣之氣所激宕也

據韓江聞見錄修

禾蟲形似花間蛺

蛺潮音讀同驛

而小如蠅無種類春夏之交早禾將熟

羣飛從海上來或自稻根出宿苗上其所生蟲數日能動食苗節苗雖吐華不結實若穀雨前插秧蛺生蟲時苗已長不能食若遇旱澇阻滯穀雨後插秧便罹其害謂之落蛺

據張志參採訪冊修

粵人嗜魚生以鱸以鮠以鱮白以青鱗以雪鯰不一其類邑人則

閒用鯪魚

俗名鱗魚

黃魚

俗名黃雙魚

鳳尾魚然常食皆以鮠

俗名草魚

爲上取

出水潑刺盈尺以外者去其皮洗其血鮠劑之爲片紅肌白理薄

如蟬翼沃以醋醬和以椒芷復切蘿蔔爲絲羊桃爲片糝而食之  
入口冰融甘美勝於常味每當碧天如水涼月欲霜僉曰維其時

矣此外又有蠓生蝦生亦珍味

據廣東新語  
采訪冊參修

潮州蔗田接壤蔗蟲往往有之

俗名蔗  
頭龜

形似蠶蛹而小味極甘美

居人每炙以佐酒姚承憲賦二律詠之其次首有云佳境不須疑  
有蠱庶生原可慶斯蠹似誰折節吟腰細笑彼銜花蜜口空狀物

極工

據秋雨庵  
隨筆修

金山東北城堞倚之城外濱河古之山麓也今石根蠹河干云昔  
年有寺石上因而起塔曰龍湫寶塔寺塔寺久廢而風定月明之

夕塔影隱現波心

據韓江聞  
見錄修

海陽縣志

卷四十六

雜錄

一二十四

鳳城金山麓有古牆牆陰多古木久蔚不治嘗一年當月生明月  
有人見古木穴中吐白煙一縷搖曳透空驚爲怪取利器狂撼古  
木忽見穴中逸出三足蟾蜍口吐火珠一顆捲白煙衝月而杳

同上

獅子巖在桑浦山形狀若獅昂頭張口作嘯天勢巖下有石洞內  
有天然石彌勒佛像大肚深臍作呵呵笑容相傳臍常出米供客  
餐後有僧鑿闊其臍米遂不出先是梅林湖常沈米船自佛臍不

出米梅林湖亦罕有沈米船事

據采訪  
冊修

海陽西北鄙山中多出水晶初出時有白光宵朗其前後必有水  
晶路現六稜小石間帶四稜沙土石其自土中生者皆六稜其爲  
石所化者則否六水之成數也或兩山隔數里白光貫徹而生石

縫若合符節

據韓江聞  
見錄修

廣濟橋分東西洲其東來第三洲有神魚洪水至洲若干尺則神魚出僅見其尾長尺許擺弄波心有戲取之者設罾網撈之見已得矣出水無有

同上

邑之孚中村黃氏有兄弟議析產者已戒日矣家中犬聞之不食家人怪之戲問曰若為分爨故乎則若微頷者既遂跳躑出門去或尾之至溪濱赴水死乃知其以此諫也其家大驚而析產之議

遂息邑人陳方平為作義犬行

據梅花書屋  
詩鈔序修

海陽縣志

卷四十六

雜錄

二十五

海陽縣志卷四十六終